


周禮義疏



						漢書門
			四	八	九	
一	六	〇	八	二	號	類
冊	架	函				

內閣文庫		
二	四	漢
〇	八	書
一	九	
六	二	
〇	號	類
冊		
架		

內閣文庫		
番號	漢	4892
冊數	160	(81)
函號	274	69

三十一



欽定周官義疏卷第三十八

淺草文庫

大行人掌大賓之禮及大客之儀以視諸侯。



鄭氏康成曰大賓要服以內諸侯大客謂其孤卿

賈疏言要服以內諸侯者對要服以外為小賓下文蕃
國也。大客謂大賓下孤卿對小行人所云小
客言孤卿者據大國得立孤一人孤來聘侯伯已下無
孤使卿來聘不言大夫士者殷聘使卿聘使大夫士
雖不得時聘為介來亦入客中故下云諸侯之卿其禮
各示其君二等大夫士亦如之是皆得為客此但舉尊
者而言
賈氏公彥曰大賓大客尊卑異故言及以殊之

大行人掌大賓之禮

秋官

大行人



云親諸侯者。易云先王以建萬國親諸侯。則朝聘往來是也。鄭氏鏗曰。語其體則曰禮。見於揖遜周旋則曰儀。對舉之互文也。

通論 孫氏之宏曰。六服之君。各以歲時朝覲宗遇。而陪臣將命。入貢獻功。幾無虛日。委積殫率以行之。郊勞燕饗以寵之。送逆必於其疆。而不憚其煩。存賴必以其時。而不厭於數。周公經紀天下。精神會聚於此。此意管仲猶知之。故其言曰。招攜以禮。懷遠以德。德禮不易。無人

不懷。故五霸桓公為盛也。

春朝諸侯而圖天下之事。秋覲以比邦國之功。夏宗以陳天下之謨。冬遇以協諸侯之慮。

後皆同此
毗志反

正義 鄭氏康成曰。此與下時會殷同。六事者皆以王見

諸侯為文。圖比陳協皆考績之言。王者春見諸侯則圖其事之可否。秋見諸侯則比其功之高下。夏見諸侯則陳其謀之是非。冬見諸侯則合其慮之異同。六服以其

朝歲四時分來更迭如此而徧賈疏下文依服數來朝則有不朝之歲故云以其朝

其朝賈氏公彥曰事由春始故圖事秋時物成故比

功夏物盛大故陳謨冬物伏藏故合慮鄭氏鏗曰謨

欲其明夏文明故言陳謨慮欲其密冬閉藏故言協慮

謨欲眾共知故言陳慮恐人異志故言協黃氏度曰

諸侯平居無事之時王者於德意志慮則道之使知度

量法則則諭之使同好惡已一於心用舍已一於事及

其入王又會而圖之蓋合四海為一家中國為一人之

意李氏曰君臣之禮不接則上恩不下流下情不上

達嫌疑易以生毀譽易以入故制朝覲宗遇之禮以圖

事比功陳謨協慮則上下交而志同絕無壅隔之患者

矣

朝覲宗遇四時之禮文質繁簡微有不同要無大異

圖事比功陳謨協慮大槩主其所重者分繫之於一時

亦非春必不可比功而秋必不可圖事夏必不可協慮

而冬必不可陳謨也言此者見天子諸侯一體相親之

欽定四庫全書

卷三十一

秋官 大行人

三

意雖歲事之常亦非無事而空行者耳。曲禮天子當依而立。諸侯北面而見天子曰覲。與儀禮之覲禮皆於廟而特見者也。秋覲當以之。曲禮天子當宁而立。諸公東面。諸侯西面曰朝。此於路門之外。旅見者也。春朝當以之。康成云。夏宗依春。冬遇依秋。禮或然與。然謂春朝受摯於朝。受享於廟。則非也。受摯受享。禮無更端。且摯重而享輕。既受摯於朝。則受享亦必於朝矣。又冬見曰遇。遇者草次之期。豈以冬寒晷短。不拘何處。卽離宮別館。

皆可行禮。不必定在朝廟。故謂之遇。而儀亦從殺與。

賈氏公彥曰。侯服年年朝。春東方來。夏南方來。秋西方來。冬北方來。甸服二歲一見。男服三歲一見。當朝之歲亦春東夏南秋西冬北。采衛要服皆然。

朝覲宗遇。四方之諸侯皆有之。隨其至之早晚而與之爲禮。故有四時之異名也。如疏說。則東方者有朝而無覲宗遇。西方者有覲而無朝宗遇。南方者惟有宗。北方者惟有遇。既偏苦而不平。亦窒礙而不可行矣。

時會以發四方之禁殷同以施天下之政。

鄭氏康成曰。時會。卽時見也。無常期。諸侯有不順

服者。王將有征討之事。命爲壇於國外。合諸侯而發禁

命事焉。禁。謂九伐之法。殷同。卽殷見也。王十二歲一巡

守。若不巡守則殷同。賈疏。鄭知王不巡守則殷同者。下文云十有二歲王巡守殷國。殷國

與巡守連文明同是十二歲。若王巡守何須殷同。明不巡守乃殷同也。殷同者。六服盡朝。

王亦命爲壇於國外。合諸侯而命其政。政。謂邦國之九

法九伐九法。皆在司馬職。

案時會殷同。大宗伯大行人旣並言之。而諸職中言會

同者非一。公西氏言志亦云。如會同可見人多禮盛。不

僅如尋常朝覲而已。會同則爲壇於國外。如司儀職所

云。合諸侯。命爲壇三成。覲禮所云。諸侯覲於天子爲宮。

方三百步者是也。案之鄉師牛人縣師遺人稍人廩人

司市賈師諸官。會同則有徒役輦輦牛車任器委積之

共。衆庶之作。糧食之備。賣儻之市。而大祝職言大會同。

過名山大川用事焉。則會同似不專在近畿國外者。意

發禁施政所行者遠。則於侯國封壤擇一都會之地。以爲會同之所。而王適焉者。蓋亦有之。會同二者對文。則別。合言則通。故諸官皆連言會同也。其合諸侯。大約不過數十國而止。以壇宮所容無幾。而君行師從。則其地止宿之處。或虞不給。而芻薪亦難繼也。然則當會同時。方伯連帥量率其當有事於王家者。而非胥六服以行矣。又案小司馬職。小會同。掌事如大司馬之灋。意四方之方伯連帥率諸侯而畢會。則爲會同之大者。若止

一方。則爲會同之小者與。注謂十二歲王不巡守。則殷同。據下經巡守殷國。竝承十有二歲之文也。然因不巡守而殷國。經亦究無明文。先王卜征五年而歲習其祥。祥習則行。不習則增脩其德而改卜。是巡守雖以十二年爲期。而是年不行。次年可改卜也。旣可改卜。何爲徧召六服而使之盡朝哉。蓋朝覲宗遇。常禮也。猶祭享之有祠禴嘗烝也。會同。盛禮也。猶祭享之有大禘大祫也。盛禮間數年而一舉。所以震耀聲靈而齊一諸侯之

心志也。舉盛禮則不復舉常禮。歲無二朝。蓋不欲數勤諸侯矣。反覆經文。似是如此。但注義承習已久。不敢輒廢。故竝存而論之。

存疑 鄭氏康成曰。殷同。四方四時分來。歲終則徧矣。時

會殷同。既朝。命為壇於國外。賈氏公彥曰。殷同。春東

方六服盡來。夏南方六服盡來。秋西方六服盡來。冬北

方六服盡來。是歲終則徧矣。諸侯不當朝歲者。就國外

壇朝而已。若當朝者。則於國內依常朝之灋。既朝。乃自

外就壇行禮。

會同 有四方俱來者。亦有祇一方者。常武詩。徐方既

同。蓋宣王既征淮徐之戎。而因以殷同。彼地附近之諸

侯也。即在王國。或一方以有政而來。即未必徧徵之。他

方矣。四方拘以四時。未必然也。既以壇為會同之所。則

在壇而將幣。即朝覲也。將幣必執玉。執玉重禮。不可以

再為之。再則褻矣。謂既朝而後之壇。非也。朝時受玉。禮

當還之。還玉終事也。方其未還。將令執何玉以行會同。

將幣之禮乎。

時聘以結諸侯之好。殷頌以除邦國之慝。好呼報人

頌通笑反

正義鄭氏康成曰。此二事者。以王見諸侯之臣。來使者

為文。時聘亦無常期。天子有事。諸侯使大夫來聘。親以

禮見之。禮而遣之。所以結其恩好也。天子無事則已。設

頌。謂一服朝之歲也。賈疏案宗伯注云。一服朝在元年六年十一年。以其朝者少。聘者多。

故亦得稱殷殷衆也。慝猶惡也。一服朝之歲。五服諸侯皆使卿以

聘禮來頌。天子以禮見之。命以政禁之事。所以除其惡

行。易氏祓曰。或謂聘頌即下經徧存徧頌徧省之事。

乃天子遣使以撫邦國諸侯。然大宗伯以此二者為賓

禮。而此職亦有大客之儀。則知非天子遣使之文。注義

不可破也。

正義邦國有交相惡者。當眾聘。其國卿皆在。故諭使解除。

閒問以諭諸侯之志。歸服以交諸侯之福。賀慶

以贊諸侯之喜。致禴以補諸侯之裁。閒記覓反。服上軫反。

會 禴音

正義鄭氏康成曰此四者王使臣於諸侯之禮也閒問

者閒歲一問諸侯謂存省之屬賈疏下文云歲徧存三歲徧頽五歲徧省七歲

屬象胥九歲屬瞽史十有一歲達瑞節並是閒歲之事諭諸侯之志者諭言語諭

書名其類也交或往或來者也賈疏云或往或來者見臣有祭祀之實亦得

昨於王故玉藻云臣致膳於君有葷桃菹贊助也致禴凶禮之弔禮禴禮也

賈疏大宗伯職以禴禮哀圍敗此裁亦云禴者同是會合財貨故亦稱禴易氏祓曰鄭氏見禴禮哀圍敗弔

禮哀禍裁以致禴為凶禮之弔禮禴禮補諸侯裁者若

春秋澶淵之會謀歸宋財賈疏見襄三十一年左傳王氏應雷曰

小聘曰問存問列國使諸侯之志靡不諭乎王之志也

歸賑者宗廟之胙分賜同姓之國及異姓有大功者以

示同福賀慶者諸侯有冠婚嘉事以贊助其喜致禴者

即大宗伯凶禮五以哀邦國之憂也鄭氏鏗曰時聘

殷頽閒問歸賑固有一定之制賀慶致禴則以時舉無

常期

通論易氏祓曰大宗伯以賑膳賀慶分同姓異姓而大

行人則一槩以爲諸侯者。蓋大宗伯言其定制。而此言其通制也。大宗伯之言賓禮。不過朝覲宗遇會同聘煩八者而已。如禴禮則見於凶禮。服膺賀慶則見於嘉禮。蓋行人以親諸侯爲主。凡嘉禮凶禮。皆親諸侯之意。不必定以賓禮爲拘也。

總論 王氏安石曰。冬遇所協之慮。時聘所結之好。閒問所諭之志。歸服所交之福。賀慶所贊之喜。致禴所補之戕。邦國之君而已。故稱諸侯。秋覲所比之功。殷頌所除

之慝。臣民與焉。非特諸侯。故稱邦國。時會所發之禁。非特一國。故稱四方。春朝所圖之事。夏宗所陳之謨。殷同所施之政。非特一方。故稱天下。言歸服而不及膺者。膺有事而執焉。因以賜之。非大行人之所歸也。言致禴而不及喪荒弔恤者。舉一而四者可知也。言諸侯而不言兄弟者。大宗伯以禮辨親疎。大行人則言親諸侯之通制耳。

以九儀辨諸侯之命。等諸臣之爵。以同邦國之

禮而待其賓客

鄭氏康成曰九儀謂命者五。公侯伯子男也。爵者

四。孤卿大夫士也。案諸臣若以命則三等之國不齊故須以爵為等四等專指上公之國而

侯伯子男之三鄭氏鏞曰命言辨爵言等命之尊者

等在其中矣。以五七九為節辨之使有別而已若夫爵則不然同為

卿大夫士也而有小國次國小國之分必因其國之小

大以齊之若小大無等待之之禮何出而同耶。歐陽

氏謙之曰諸侯之命諸臣之爵不同既辨而等之則命

同爵同者可以同其待之之禮矣是所謂爵同而禮

也。

因此與典命之文互備典命所掌者諸侯在國之儀此

所辨所等者王朝待賓之禮也。

上公之禮執桓圭九寸纁藉九寸冕服九章建

常九旒樊纓九就貳車九乘介九人禮九宰音纁

藻藉在夜反旒音雷樊步干反乘繩證反下竝同

鄭氏康成曰纁藉以五采韋衣板。賈疏案聘禮記公侯伯三采朱

白蒼。子男二采。朱綠。典瑞。天子乃五采。此諸侯禮而言五采者。合三采二采而言五耳。若奠玉。則

以藉之。冕服。著冕所服之衣也。九章者。自山龍以下。常

旌旗也。旂。其屬慘垂者也。賈疏。正幅為慘。旌旗之幅也。其下屬旒。故云屬慘而垂者

也。樊纓。馬飾也。以屬飾之。每一處五采備為一就。就成

也。賈疏。樊。馬腹帶。纓。馬鞅。以五采屬飾之而九成。貳。副也。介。輔已行禮者也。禮

大禮饗餼也。三牲備為一牢。鄭氏鈔曰。謂之禮者。王朝禮賓之禮。莫盛於此。然其

禮致於既朝享之後。今乃敘於介九人之下者。蓋述禮者。因其數用九。故併列之。

賈氏公彥曰。上公執桓圭九寸。纁藉九寸。此主行

朝禮於朝所執。其服則裨冕。若行三享。則執璧瑞。建常

九旂者。對文。日月為常。交龍為旂。而云常者。常總稱。故

號旂為常也。介九人者。陳於大門外。賓北面時。介皆西

北陳之也。

纁藉。聘禮記云。朝天子。纁九寸。三采六等。朱白蒼。問

諸侯。朱綠纁八寸。皆玄纁。典瑞職。公侯伯纁皆三采。三

就。子男纁皆二采。再就。此疏引之未悉。纁者其飾也。質

則玄纁。玄纁蓋帛為之。非韋也。據覲禮及玉藻。諸侯裨

冕以朝。裨則上公應鷩冕。侯伯應毳冕。子男應希冕。而此云上公九章。則袞冕也。與侯伯七章。子男五章。均為上服。又覲禮。偏駕不入王門。入覲但乘墨車。而此云貳車五乘。經有不同。未詳所以。

其朝位賓主之間九十步。立當車軹。擯者五人。

軹音只

正義

鄭氏康成曰。朝位謂大門外。案注大門謂庫門賓下車及

王車出迎所立處也。王始立大門內。交擯三辭。乃乘

而迎之。齊僕為之節。

賈疏。必知有交擯者。案下文惟六國之孤。繼小國之君。不交擯。明凡

諸侯於天子皆交擯。交擯是敵禮也。

上公立當軹。王立當軹與。賈氏公

彥曰。軹謂轂末。車轅北向。在西邊。去大門九十步。公於

車東。當轂末。擯者五人。大宗伯為上擯。小行人為承擯。

嗇夫為末擯。其餘二人是士。

正義 陳氏傳良。易氏祓。謂王行四十五步以迎賓。賓行四

十五步以朝王。非也。經言公立當車軹。注推之以為王

立宜當軹。則賓主皆立於其所。然後陳擯傳辭。諸侯趨

而進。或近王數武。而王乃少前以就之耳。

賈氏公彥曰。覲禮。天子不下堂而見諸侯。此春夏

受贄在朝。亦無迎法。至朝後行三享在廟。天子親迎。竝

申上服乘金路之等。孔氏穎達曰。崔云。諸侯春夏來

朝。各乘其命車。至臯門外陳介。天子車時在大門內。傳

辭既訖。乘車出大門下車。若升朝之時。王但迎公。自諸

侯以下隨之而入。更不別迎也。天子還服朝服。立於路

門之外。諸侯更易服朝服。執贄以入。應門而行禮。若能

氏之義。則朝無迎法。惟享有迎諸侯之禮。陳氏祥道

曰。齊僕朝覲宗遇。皆乘金路。其法儀各以其等。為車送

迎之節。案齊僕本言朝覲宗遇之饗。蓋朝宗於朝。覲遇

於廟。其送迎之禮則同。先儒謂秋覲無逆送之禮。春夏

受贄於朝。亦無迎法。其言與齊僕不合。非所信也。易

氏祓曰。不下堂而見諸侯。特漢儒之說耳。上公朝位後

鄭止曰。賓下車及王車出迎所立處。若賈氏則直以為

在廟。乃有此迎賓之法。經既明言朝位。則是外朝之位。

有此迎賓之法。奈何強爲之說乎。

朝位賓主之間。先儒講說紛雜不一。崔氏謂迎入應門而朝於路門外之朝。則朝禮乃君臣之正。不應以賓主之法迎之。故熊氏賈氏皆不從。據齊僕職皆乘金路。則當迎之以至廟。而非入朝者矣。鄭賈以朝禮無迎法。而三享則殺。故謂行朝禮於朝。正南面之尊既訖。然後講賓主之禮。迎入廟而行享。如此。則無下堂見諸侯之嫌。而又與由禮當守之。對峙而不相悖。然觀聘之禮。

受玉受享。皆同時遞舉而不更端。朝禮既行於朝。享禮何必改而之廟。且司儀之將幣。正禮與享禮竝賅。此經將幣。專指享禮。而不及朝禮。文義亦不盡一。齊僕職云。朝覲宗遇饗食。皆乘金路。其法儀各以其等爲車送逆之節。此謂朝覲宗遇之饗食也。豈此迎入者爲饗食之禮。經文但錯舉而不必順敘與。抑天子於諸侯有不純臣之義。春見之法。卽以賓主禮行之。則方朝時亦有迎與。

廟中將幣三享。王禮再裸而酢。注故書裸作果

正義鄭氏康成曰。廟。受命祖之廟也。三享皆束帛加璧。

庭實惟國所有。賈疏。聘禮與覲禮。皆有庭實。朝事儀曰。奉國地所出

重物而獻之。明臣職也。王禮。王以鬱鬯禮賓也。鬱。人職

曰。凡祭祀賓客之裸事。和鬱鬯以實彝而陳之。再裸而

酢者。再裸賓乃酢王也。

疏朝聘以圭璋。享以璧琮。幣則圭璋璧琮之統名也。司

儀職。諸公相賁。及諸公之臣相為國客。賈氏皆以將幣

為正行朝聘而用圭璋之禮。儀禮覲聘。皆受圭訖。旋即

行享。竝無更端。且朝重而享輕。受圭於朝而受享於廟。

疑無此理。則此經當以將幣為受圭。而以三享為受享。

俱在廟中行之。為得也。若受摯於朝。則受享亦於朝。或

另是一禮。此經特著其在廟者耳。

正義鄭氏康成曰。禮者。王使宗伯攝酌圭瓚而裸。王既

拜送爵。又攝酌璋瓚而裸。后又拜送爵。是謂再裸。

正義鄭氏鏗曰。小宰職曰。凡賓客贊裸。謂贊王也。小宗

伯贊裸將亦贊王也。若宗伯攝酌何用小宰小宗伯贊之乎。內宰職曰凡賓客之裸獻瑤爵皆贊謂贊后也。若王后不與則外宗贊宗伯而內宰亦必贊矣。康成蓋因大宗伯職言大賓客則攝而載裸遂失之。不知大宗伯乃后不與而攝之以拜送耳。宗伯攝后則內宰亦贊宗伯矣。

再裸后職也。但正行覲享之時后不出則雖禮有再裸亦大宗伯攝之。故大宗伯職云大賓客則攝而載裸。

謂此也。注以贊為攝故誤耳。

饗禮九獻。食禮九舉。出入五積。三問三勞。食音嗣積

子賜反勞力報反

鄭氏康成曰饗設盛禮以飲賓也。賈疏饗禮烹大牢以飲賓食禮

亦亨大牢以食賓但食禮無酒而饗禮有酒有食兼燕與食故云盛禮。九舉舉牲體九飯

賈疏特牲禮尸食舉三飯佐食舉幹尸又三飯舉骼及獸魚尸又三飯舉肩及獸魚出入謂從

來訖去也。每積有牢禮米禾芻薪問問不恙也。勞謂苦倦之也。皆有禮以幣致之。鄭氏眾曰積謂饋之芻米。

賈氏公彥曰。出入五積。謂在路供賓。來去皆五積也。三問者。使卿大夫問之。亦有禮以致之。所行三處。亦當與三勞同處也。三勞者。案小行人。逆勞於畿。覲禮云。至於郊。王使人皮弁用璧勞。注云。郊。謂近郊。其遠郊。勞無文。但近郊與畿。大小行人勞。則遠郊勞。亦應使大行人。賈氏公彥曰。九獻者。王酌獻賓。賓酢主人。主人酬賓。酬後更八獻。是為九獻。

九獻者。王裸后裸為二獻。王與后又各一獻。為四獻。

餘二獻未詳。

諸侯之禮。執信圭七寸。緹藉七寸。冕服七章。建常七旒。樊纓七就。貳車七乘。介七人。禮七牢。朝位賓主之閒。七十步。立當前。疾擯者四人。廟中將幣三享。王禮壹裸而酢。饗禮七獻。食禮七舉。出入四積。再問再勞。諸伯執躬圭。其他皆如諸侯之禮。信音申

鄭氏康成曰。七章者。自華蟲以下。一裸而酢者。裸

賓賓酢王而已。后不裸也。鄭氏眾曰：前疾謂駟馬車

轅前胡下垂者。賈疏：駟人駟深四尺七寸，軌前曲中。鄭氏鏗曰：駟人之

軌長一丈四尺四寸。其軌前之曲中者名曰前疾。進而

立前疾，則比之車軹為稍近矣。

諸子執穀璧五寸，纁藉五寸，冕服五章，建常五

旒，樊纓五就，貳車五乘，介五人，禮五牢，朝位賓

主之間五十步，立當車衡，擯者三人，廟中將幣

三享，王禮一裸，不酢，饗禮五獻，食禮五舉，出入

三積，一問，一勞，諸男執蒲璧，其他皆如諸子之

禮。

正義 鄭氏康成曰：五章者，自宗彝以下，一裸不酢者，裸

賓而已，不酢王也。王氏安石曰：一裸不酢，有禮而無報，若不敢當焉，卑故也。不酢之

禮聘禮禮賓是與。賈疏：子男一裸不酢，與聘禮禮賓同，但子男用鬱鬯，不用醴，則別，故云與

以疑 王氏昭禹曰：車衡，謂在駟下，軌兩服者。

總論 王氏應電曰：先命圭纁藉者，守國之瑞，朝覲所執

以為信也。次言冕服至貳車，車服以庸，辨尊卑莫大於

此二者也。次言在朝在廟在館在途。其禮無不同。而有隆殺之義。朝位步數以至門為度。迎送以遠為敬也。立則以進前為敬。故上公立當軼。侯伯則當疾。子男則當衡也。

凡大國之孤執皮帛。以繼小國之君。出入三積。不問壹勞。朝位當車前。不交擯。廟中無相。以酒禮之。其他皆眡小國之君。相息亮反

鄭氏康成曰此以君命來聘者也。孤尊既聘享更

自以其摯見。執束帛而已。豹皮表之為飾。賈疏孤行正

聘則執瑑圭

璋八寸。不執皮帛。故知既聘享更自以其摯見也。但侯伯以下使臣無此更見法。以大國孤尊天子別見之。故自以其摯見。繼小國之君言次之也。朝聘之禮每一國執束帛而已。

畢乃前。不交擯者。不使介傳辭交於王之擯。親自對擯

者也。賈疏諸侯交擯者使介傳於王擯傳而下。又傳而

上親自對擯者聘禮賓來在末介下東面上擯亦

至末擯下親相與言者是也。廟中無相。介皆入門西上而立。不前相

禮者。聘之介是與。賈疏聘禮賓行聘之時擯者納賓賓

入門左介皆入門左北面西上注云

隨賓入也。介無事止於此。是介入廟門西上不相者也。彼諸侯法約同天子禮故云與以疑之。以酒禮

之酒謂齊酒也。

賈疏聘禮用醴齊明此亦用醴齊對文三酒五齊別通言之齊亦名酒故云齊

酒也。和之不用鬱鬯且其他謂貳車及介牢禮賓主之閒。

擯者將幣裸酢饗食之數。鄭氏鏞曰朝位當車前則

進而近王也。愈感以速。賈氏公彥曰趙商問其他既

小國之君以五為節。下云諸侯之卿各下其君二等。注

云公使卿亦七侯伯亦五子男三不審大國孤五而卿

七何。答云卿奉君命七介孤尊更自特見故五介此有

聘禮可參。又問出入三積此即與小國同應視小國之

君何須特云三積與例似錯。答曰三積者卿亦然不獨

孤也。故不在視小國之中。然則壹勞者亦是卿亦然。故

須見之。易氏祓曰春秋傳魯叔孫婁曰列國之卿當

小國之君固周制也。

禮天子旅見諸侯。故有此禮。蓋六服之國。未能同時而

至。一日之內。將幣三享禮賓。成禮亦不能多人。故時其

衆寡而旅見焉。然後館舍可以遞容。饗積可以閒致。訝

勞可以徐周。所以旅見時多也。魯侯國而旅見滕薛之

君。故春秋竝書。以志非禮。朝位當車前。經不言賓主之閒。則王無出門迎法。但至朝下車。拱立車前聽命。趨入庫門東嚮入廟耳。此以見下文凡諸侯之卿大夫士至王朝。皆有下車拱立之位。降其君二等。又見諸侯之臣相為國客。其朝位亦然。故司儀職不更及也。

通論

易氏祓曰。大宗伯言孤執皮帛。則天子之孤也。此言大國之孤。則為上公之孤。其執皮帛與天子之孤同者。天子之孤六命。則執束帛而加之以虎皮也。上公四命之孤。則執束帛而加之以豹皮也。

凡諸侯之卿。其禮各下其君二等。以下及其大夫士皆如之。

正義

鄭氏康成曰。此亦以君命來聘者也。所下其君者。介與朝位賓主之閒也。案卿雖有朝位。王不迎之。注云賓主之閒。蓋緣蒙上文而誤。

其餘則自以其爵。聘義曰。上公七介。侯伯五介。子男三介。是謂使卿之聘之數也。朝位則上公七十步。侯伯五十步。子男三十步與。賈氏公彥曰。大夫士皆如之者。

大夫又各自下卿二等。士雖無介與步數。至牢禮之等。又降殺大夫。

諸侯之卿。雖聘享後無特見灋。但入朝下車。退朝升車。自有遠近步數。是亦朝位也。王雖不迎之。注云賓主之間者。蒙上文耳。況為國客。則有賓王朝位。經亦舉王朝以見侯國也。無庸以注為疑。

郎氏兆玉曰。諸公之禮。九儀之一也。諸侯之禮。九儀之二也。諸伯之禮。九儀之三也。諸子之禮。九儀之四也。諸男之禮。九儀之五也。孤以君命來聘。九儀之六也。卿以君命來聘。九儀之七也。大夫。九儀之八也。士。九儀之九也。

邦畿方千里。其外方五百里。謂之侯服。歲一見。其貢祀物。又其外方五百里。謂之甸服。二歲一見。其貢嬪物。又其外方五百里。謂之男服。三歲一見。其貢器物。又其外方五百里。謂之采服。四歲一見。其貢服物。又其外方五百里。謂之衛服。

五歲一見其貢材物。又其外方五百里謂之要

服。六歲一見其貢貨物。

注故書
嬪作頻

正義

鄭氏康成曰。祀物者犧牲之屬。嬪物。絲枲也。器物。

尊彝之屬。服物。玄纁絺纈也。材物。八材也。要服。蠻服也。

貨物。龜貝也。賈氏公彥曰。此因朝而貢。與大宰九貢。

小行人春入貢者別。彼二者是歲之常貢也。王氏昭

禹曰。六服其見有六歲之差。所以節遠邇之期。其貢有

六物之異。所謂別土地之宜。或問周官五服之貢限

以定名。不問其地之有無。與禹貢不合。何故。朱子曰。一

代自有一代之制。大槩是近處貢重。底物事。遠處貢輕。

底物事。恰如禹貢納錙納結之類。王氏應電曰。此亦

約六服所貢之大分而言。職方氏制其貢。各以其所有。

六服每歲皆有貢。則小行人所令春入貢也。

案舊說虞夏之制。天子巡守之明年。諸侯各以其方歲

見。四載而徧。此注其朝貢之歲。四方各四分趨四時而

來。皆非也。果爾。則或一歲而空一方之諸侯。或一歲而

空一服之諸侯。其方或有寇戎之警。其誰禦之。竊意周制。侯服最近。以每歲一見而徧。甸服地較遠。分國較多。兩歲中。各以其時其事。一見而徧。男采衛要地。愈遠。分國愈多。則期愈寬。所以順人情。便國事也。虞夏之制。亦大率類此。成王之崩。事在旬日。而康王之立。太保率西方諸侯入應門左。畢公率東方諸侯入應門右。則六服皆有朝者可知矣。舜典日覲四岳羣牧。班瑞于羣后。則非一方之諸侯可知矣。

九州之外。謂之蕃國。世一見。各以其所貴寶為摯。

鄭氏康成曰。九州之外。夷服鎮服蕃服也。賈疏。分爲三服。

據職方而言。曲禮曰。其在東夷北狄西戎南蠻。雖大曰此經總言之。

子然則九州之外。其君皆子男也。無朝貢之歲。父死子

立。及嗣王卽位。乃一來耳。所貴寶見傳者。若犬戎獻白

狼白鹿是也。賈疏。周語。穆王征犬戎而得。其餘則周書王會備焉。賈疏。

王會。返豕。周書篇。

禮記鄭氏康成曰各以其所貴寶為摯則蕃國之君無執玉瑞者。

禮記蕃服之君來朝未必不執玉所貴寶者或以為享幣耳。

王之所以撫邦國諸侯者歲徧存三歲徧頰五歲徧省

禮記鄭氏康成曰撫猶安也存頰省者王使臣於諸侯之禮所謂閒問也。賈疏上文云閒問以諭諸侯之志歲者巡守之明歲

以為始也。劉氏彝曰存者問其安否頰者視其治効

省者察其風俗。王氏昭禹曰頰詳於存省又詳於頰易氏祓曰撫諸侯

而言邦國者兼臣若民而加惠焉非獨厚其君也。

七歲屬象胥諭言語協辭命九歲屬瞽史諭書

名聽聲音。屬章東反注故書協辭命作汁詞命鄭司農云汁當為協詞當為辭

禮記鄭氏康成曰屬猶聚也自五歲之後遂閒歲徧省也鄭司農云象胥譯官也某謂胥讀為諧王制五方之民言語不通嗜欲不同達其志通其欲東方曰寄南方

曰象。西方曰狄鞮。北方曰譯。此官正為象者。是通言語之官為象胥。諳謂象之有才知者也。辭命。六辭之命也。瞽。樂師也。史。大史小史也。書。名書文字也。古曰名。聘禮曰百名以上。七歲省而召其象胥。九歲省而召其瞽史。皆聚於天子之宮教習之也。鄭氏鍔曰。自七歲而下。皆可謂之省者。不止於視之。察之。而又有以教之焉。易氏祓曰。諭言語。則通五官之言語。協辭命。則合九等之辭命。皆象胥之職也。諭書名。則達六書之文。聽聲音。則察五言之和。皆瞽史之職也。王氏應電曰。瞽

掌聲樂。史掌字書。

王氏安石曰。諭言語。所以使之相通。協辭

命。所以使之相交。

圖辭如致福告喪。及自通於尊長儕輩之禮。辭命。謂稱於君大夫。自稱稱人所舉之號。名如曲禮少儀所記是也。

十有一歲。達瑞節。同度量。成牢禮。同數器。脩瀆則。

正義鄭氏康成曰。度。丈尺也。量。豆區金也。數器。銓衡也。

賈疏銖兩之等法。八法也。則八則也。成平也。平其僭踰者也。達同成脩。皆謂齎其法式。行至則齊等之。

通論 易氏祓曰。瑞節達於小行人之官。牢禮成於掌客之官。法則正於匡人之官。度量數器同於合方氏之官。凡此皆所以待王之巡守也。

十有一歲王巡守殷國

正義 鄭氏康成曰。王巡守諸侯會者。各以其時之方。書曰。遂覲東后是也。郝氏敬曰。殷衆也。所至之方。諸侯

皆朝於方嶽下。曰殷國。王氏應雷曰。十二歲一巡守。於期已疎。然觀徧存以下六事。及將巡守。職方氏又戒於四方。則時巡之期雖疎。而周防之法更密。實無曠事也。呂氏祖謙曰。巡守之禮。此乃維持政治。攝服人心之道。大抵人心久則易散。政治久則必缺。一次巡守。又提攝整頓一次。此新新不已之意。

案 巡守殷國。因巡守而即以殷國也。殷國即殷同。殷同之禮。因巡守而舉者。此經是也。有特舉於王國或侯國

者則朝覲之盛禮。閱數歲一行之。職方氏先言巡守。而下言王殷國亦如之。可見其為二事。不必在巡守之年矣。鄭氏謂王不巡守乃殷國。疑未必然。詳見上文。

通論 楊氏時曰。虞舜之世。其事簡。其人寡。其於巡守也。兵衛少。征求輕。故行之。五歲不為數。成周之世。其事煩。其人衆。其於巡守也。兵衛多。供億繁。故行之。十二年不為疏。

凡諸侯之王事。辨其位。正其等。協其禮。賓而見之。

正義 鄭氏康成曰。王事。以王之事來也。詩曰。莫敢不來王。春秋傳曰。諸侯有王。賈氏公彥曰。辨其位。謂九十七十五十步之位。正其等。謂冕服旌旗。貳車之等。協其禮。謂牢禮饗燕積膳之禮。以此禮賓敬而見之也。

若有大喪。則詔相諸侯之禮。

相息亮反

正義 鄭氏康成曰。詔相。左右教告之也。賈氏公彥曰。哭位周旋進退擗踊。皆有禮灋。

若有四方之大事則受其幣聽其辭

正義鄭氏康成曰四方之大事謂國有兵寇諸侯來告

急者禮動不虛皆有贄幣以崇敬也受之以其事入告

王也聘禮曰若有言則以束帛如享禮賈疏聘禮是諸侯自相告告天子亦然故

引為證易氏祓曰受其幣而聽其辭小行人所以

待小客也而大行人乃以待四方之大事蓋謂諸侯以

寇戎聞必待行聘享之禮而後聽其辭非所以急諸侯

之病也

凡諸侯之邦交歲相問也殷相聘也世相朝也

正義鄭氏康成曰小聘曰問賈疏聘禮云小聘曰問不享是也大聘使卿小聘使

大夫殷中也久無事又於殷朝者及而相聘也父死子立

曰世凡君即位大國朝焉小國聘焉賈疏文元年左氏傳文此皆

所以習禮攷義正刑一德以尊天子也賈疏禮記文必擇有

道之國而就脩之鄭司農云春秋傳孟僖子如齊殷聘

是也賈疏昭九年左傳賈氏公彥曰諸侯邦交謂同方嶽者

一往一來為交小國朝大國大國聘小國敵國則兩君

自相往來。故司儀職。諸公諸侯。皆言相爲賓是也。鄭氏鍔曰。問以言爲禮。聘以財爲禮。

論程子曰。先儒有王臣無外交之說。非也。若天下有道。諸侯順軌。豈有內外之限。其相交好。乃常禮也。然不安官守。而遠相朝。無是道也。周禮所謂世相朝。謂鄰國耳。

小行人掌邦國賓客之禮籍。以待四方之使者。

使色
吏反

正義鄭氏康成曰。禮籍。各位尊卑之書。使者。諸侯之臣使來者也。賈氏公彥曰。大行人待諸侯。小行人待諸侯之使者。其邦之禮籍。則諸侯及臣皆在焉。

禮大行人曰禮儀。小行人則曰禮籍者。書曰享多儀。百辟來王。大行人辨其位。正其等。協其儀。賓而見之。所尤謹者儀也。小行人各以其國之籍禮之。則不過按故籍。以時饗食。致餼積而已。禮籍卽司儀掌客所列。二官既分掌其事。而小行人復通掌其籍者。以使適四方。協九

儀賓客之禮。其籍已豫具也。

令諸侯春入貢。秋獻功。王親受之。各以其國之籍禮之。

鄭氏康成曰。貢。六服所貢也。賈疏對九州外功。攷蕃國無此貢。

績之功也。秋獻之。若今計文書斷於九月。其舊灋。賈

氏公彥曰。此貢。即大宰九貢。是歲之常貢也。必使春入

者。以侯國出稅於民。民稅既得。經冬至春。乃可入王也。

秋獻功者。物皆秋成。故秋獻之。王氏安石曰。各以其

國之籍禮之。則常以所禮之國。各籍焉。以為故常。左傳

曰。非禮也。勿籍。

職貢雖有常。而必時其歲之豐凶。以為贏縮。故往歲

之貢。至春而後入之。月令制諸侯貢職之數。以季秋。蓋

農收備入。而後其數可定也。功謂治國事之狀。至秋則

歲功成。萬事理。凡治狀皆舉矣。故獻之。

凡諸侯入王。則逆勞于畿。及郊勞。既館。將幣。為

承而擯。勞力報反

鄭氏眾曰。入王朝於王也。春秋傳曰。宋公不王。賈疏

隱九年。宋公不王。不宗觀於王。鄭伯為王左卿士。以王命討之。伐宋也。又曰。諸侯有王。王

有巡守。賈疏。莊二十三年夏。公如齊觀社。非禮。曹劌諫曰。不可。諸侯有王。王有巡守。非是。君不舉矣。注云。有王。

鄭氏康成曰。眠館致館也。賈疏。聘禮及下司儀。皆云致館。云眠

者。使卿大夫觀其可。承猶丞也。王使勞賓於郊。勞使大

否。云致者。致使有之。人致館於賓。案觀禮。天子賜舍。鄭注云。賜舍。猶致館也。所使者司空與。至將幣使宗

伯為上擯。賈疏。將幣。謂至廟將幣三享。惟將幣。大宗伯為上擯。皆為之丞而擯之。

歐陽氏謙之曰。三事皆非小行人之職。但為承以擯。

而已。易氏祓曰。四時常朝。小行人既為承擯。肆師佐

擯為大朝觀設也。

大宗伯惟將幣為上擯。則郊勞眠館宜使他官。故小

行人為承而擯。擯者三人。則嗇夫為末擯。見觀禮。必擯者

五人。然後肆師佐。小行人承而更以士充其數矣。國

語。卿出郊勞。則郊勞宜使卿。觀禮第舉皮弁而不目其

其人。注云。使大行人。故此疏用之也。意侯伯使大行人。上

以公則使卿與。蓋據觀禮鄭注。而鄭注亦未知何據。

凡四方之使者。大客則擯。小客則受其幣而聽其辭。

正義 鄭氏康成曰。擯者。擯而見之王。使得親言也。受其幣者。受之以入告其所為來之事。賈氏公彥曰。大行人注云。大賓要服以內諸侯。大客謂其孤卿。則此大客謂要服以內之使臣。小客謂蕃國之使臣也。易氏祇曰。諸侯遣孤卿聘。皆於齊。中行享禮。擯而見之。但旅擯不交。擯其及。類曰。

使適四方。協九儀。賓客之禮。朝覲宗遇會同。君之禮也。存頰省聘問。臣之禮也。

正義 鄭氏康成曰。適之也。協。合也。王氏應雷曰。九儀之禮。大行人既以之同邦國矣。但恐變故不齊。或歲久沿革。不能無異。小行人奉使於四方時。因而和協之。庶禮行之久而無弊也。賈氏公彥曰。自此已下。皆小行人使適四方之事。賓。據命者五客。據爵者四。朝覲宗遇會同皆諸侯。故云君之禮。存頰省三者。天子使臣撫邦

國之禮聘問二者是諸侯使臣於天子之禮。

案賓客來享來王固欲其儀之協卽其邦交亦恐以地之逃遠國之強弱過恭過汰以違王度故使小行人適四方而協之所以消患於未萌也觀春秋列國會盟之次朝聘之數時有煩言則九儀不協之明徵也

達天下之六節山國用虎節土國用人節澤國用龍節皆以金爲之道路用旌節門關用符節都鄙用管節皆以竹爲之

正義鄭氏康成曰此謂邦國之節也達之者使之四方

亦皆齊法式以齊等之也諸侯使臣行煩聘則以金節授之以爲行道之信也虎人龍者自其國象也賈疏知是使臣

所執者掌節職凡邦國之使節山國用虎節故知此亦使臣所執也諸侯自行不須節道路謂鄉

遂大夫也都鄙者公之子弟及卿大夫之采色之吏也

賈疏都鄙之主與都鄙之吏同用管節凡邦國之民遠出至他邦他邦之

民若來入由國門者門人爲之節由關者關人爲之節

賈疏司關職掌國貨之節以聯門市故知所由之處皆得授之節也其以徵令及家徙鄉

遂大夫及采地吏為之節。皆使人執節將之以達之。賈疏

比長職邦之民徙于郊則從而授之亦有期以反節。案此掌節職文管節。如今之

竹使符也。賈疏漢文本紀六年九月初與郡國守相為銅虎符竹使符應劭曰竹使符以竹箭五枚

長五寸鐫刻篆書第一至第五其有商者通之以符節。如門關門關者

與市聯事節可同也。亦所以異於畿內也。賈疏掌節職貨賄用璽節

門關用符節各別司關掌國貨之節以聯門市門市既相聯此無貨賄璽節明同用符節可知畿內貨賄用璽節門關用符節畿外

同用符節是異也凡節有天子之法式存於國。賈

氏公彥曰。遠天下之六節。據侯國而言。掌節所云據畿

內也。虎節人節龍節三者據諸侯使臣出聘所執。旌節

符節管節三者據在國所用。掌節職守邦國者用玉節。

此不云玉節者。文略耳。亦達可知。

王氏詳說曰。天子使者使於諸侯。諸侯使者聘於

天子。其為節一而已。此虎節人節龍節之所以同也。天

子王畿之道路門關。與諸侯之道路門關。亦一而已。此

旌節符節之所以同也。其無璽節何也。小行人所達六

節。特謂諸侯使者之入聘耳。非有貨賄之事也。王氏

安石曰。邦節先門關。後道路。以自內達外言之。天下之節。先道路。後門關。以自外達內言之。

無玉節者。此所達惟使節。邦國所守。非所及也。都鄙用管節者。別於畿內之都鄙。蓋別嫌明微。於其貴者尤

嚴也。

成六瑞。王用璜圭。公用桓圭。侯用信圭。伯用躬

圭。子用穀璧。男用蒲璧。璜音鎮。信音巾。

鄭氏康成曰。成平也。瑞。信也。皆朝見所執以為信。

賈氏公彥曰。侯國無鎮圭。因而言之。不言達六瑞者。

諸侯受命已得之。無用別作法式以齊之也。

成者。攷驗符合。均一整齊之意。

合六幣。圭以馬。璋以皮。璧以帛。琮以錦。琥以繡。

璜以黼。此六物者。以和諸侯之好故。琮才宗反。琥音虎。璜音黃。

好呼報反。

鄭氏康成曰。合同也。六幣所以享也。賈疏對上文。六瑞是朝時

所用。五等諸侯。享天子用璧。享后用琮。其大各如其瑞。賈疏。

五人云。璧琮九寸。諸侯以享天子。聘禮。享君以璧。享夫人以琮。知五等諸侯同用璧琮者。觀禮總稱侯氏用璧。明五等。皆有庭實。以馬若皮。賈疏案。觀禮三享皆束帛。加璧庭實。惟國所有。奉束帛。匹馬卓上。九馬隨之。西上。是以馬也。聘禮。以束帛加璧享。庭實皮則攝之。是用皮也。聘禮記云。

皮馬相閒可也。皮虎豹皮也。用圭璋者。二王之後也。二

王後尊。故享用圭璋而特之。賈疏。享天子用璧琮九寸者。上公之禮。上公用璧琮。

則圭璋是二王後明矣。特之者。惟右皮馬。無束帛之加。故云特。禮器云。圭璋特。義亦通

於此。賈疏。彼據朝聘時所行。無束帛可知是特也。其於諸侯亦用璧琮耳。賈疏。

五人云。瑑琮八寸。諸侯以享夫人。明享君用璧亦八寸。是下享天子一等如是。明二王後與諸侯相享不可同

於天子用圭。則用璧琮可知。十男於諸侯則享用琥璜。下其瑞也。賈疏。

二王後相享用璧琮。則子男自相享用琥璜可知。凡二王

後諸侯相享之玉。大小各降其瑞一等。賈疏。玉人云。瑑琮八寸。諸侯以

享夫人。禮無重用八寸之法。明是上公九寸。降一等。及至八寸。上公既降一等。則侯伯子男各降一等可知。及

使卿大夫。頰聘亦如之。賈疏。不分別聘享。則聘享皆降一等。同。玉人云。瑑圭璋八寸。璧

琮八寸。以頰聘。此據上公之臣。圭璋璧琮皆降一等。其餘侯伯子男降一寸明矣。賈氏公彥

曰。圭以馬。璋以皮。二者本非幣。云六幣者。二者雖非幣

帛。以用之。當幣處。故總號為幣也。鄭氏鏐曰。言合者。

以兩兩相配。故言合也。王氏應電曰。馬物之貴者也。皮虎豹之皮。記曰。示服猛也。故合圭以馬。合璋以皮。純色曰帛。采色曰錦。昏禮聘禮食禮。皆以束帛為上。束錦為次。故合璧以帛。合琮以錦。五采備為繡。白與黑二色為黼。繡之功多於黼。故合琥以繡。合璜以黼。王氏昭禹曰。通彼此之情而來謂之好。因事而來謂之故。

總論 劉氏敞曰。九儀既正。乃達六節。以為行道之符。乃成六瑞。以為朝見之信。乃合六幣。以致用享之誠。

若國札喪則令賻補之。注故書 賻作傅

正義 鄭氏眾曰。賻補之。謂賻喪家。補助其不足也。賈氏公彥曰。宗伯職。以喪禮哀死亡。據弔葬致哀。此則以財物補其不足。相包乃具。

若國凶荒則令調委之。

正義 王氏應電曰。調委。如縣都之委積。以待凶荒。令邦國移民通財。以調恤之。即荒禮哀凶札也。賈氏公彥曰。宗伯職。以荒禮哀凶札。言自貶損。若年穀不登。君膳

不祭肺之類。此令他人以財賙委之。亦相包乃具。

若國師役則令犒餼之。

犒讀作犒可與反餼音會注故書犒為橐鄭司農云橐當

犒為

正義鄭氏康成曰師役者國有兵寇以致匱病者也使

鄰國合會財貨以與之春秋定五年夏歸粟于蔡是也

賈疏定四年秋楚人圍蔡故五年歸其粟大宗伯職以禮禮哀圍敗鄭氏

衆曰犒謂犒師也賈氏公彥曰不見恤禮當於師役

中兼之

若國有福事則令慶賀之。

正義王氏昭禹曰慶賀即大宗伯以賀慶之禮親異姓

之國也王氏應電曰慶賀所以樂之即大行人賀慶

以贊諸侯之喜。

若國有禍裁則令哀弔之。

正義鄭氏康成曰禍裁水火王氏應電曰哀弔即弔

禮哀禍裁也。

凡此五物者治其事故。

正義 王氏昭禹曰。所作謂之事。所逢謂之故。札喪凶荒禍裁。出於所逢者也。師役福事。或出於所作。李氏嘉會曰。大宗伯雖已具是法。小行人則令行之。

疏 此五者其四大宗伯所掌凶禮。其一嘉禮也。復列於此者。設所至之國有此。則令鄰國供具而後以復於王。故其文次於使適四方之後也。蓋凶荒之闕委。師役之槁禴。必待奏請。則緩不及事。即適遇其國札喪禍裁福事。亦必於常禮有加。禮意乃洽。且札喪禍裁福事之小者。或不敢以聞於王朝。而王使適遇之。則不得為弗聞也者。而過之也。治其事故者。酌財用多少之宜。施行緩急之節。以及興發調移之法也。其亦與方伯連帥定議而後令之與。或曰治其事者。行此五者之事宜。治其故者。慶賀哀弔。或致辭。或兼幣玉貨財。若賻補闕委槁。禴則或取於閒田所儲。待也。

及其萬民之利害為一書

正義 王氏應電曰。條錄一書。將以興利除害。

天子省方。所以清問萬民之利害也。知其利害。然後可聚所欲。去所惡。而諸侯之功罪。以是為準。虞書及王制所列。巡守黜陟之大政。無出此五書之外者。惟札喪凶荒。出於時變。而其君臣所以處此。必有辨矣。至於危貧。則萬民之利害。平時漫不省憂。可知。故五者皆所以定諸侯之功罪也。

其禮俗政事。教治刑禁之逆順。為一書。

治直吏反

正義

王氏應電曰。此自政治言。順則因之。逆則革之。

郎氏兆玉曰。將以為慶讓之地。

其悖逆暴亂。作慝猶犯令者。為一書。

正義

鄭氏康成曰。慝。惡也。猶。圖也。郎氏兆玉曰。將以

討正之。

正義

鄭氏鏞曰。猶有二義。此謂已曾犯令而猶不改者。

其札喪凶荒。危貧。為一書。

正義

郎氏兆玉曰。將以寬恤之。

其康樂和親。安平。為一書。

正義 郎氏兆玉曰。將以褒嘉之。

凡此五物者。每國辨異之。以反命于王。以周知天下之故。


正義 李氏嘉會曰。故者。必求其原委。而知其所以然也。

王氏昭禹曰。聖人以百姓為心。而憂樂與同。自行人之官。巡行天下。每國辨異之。以反命于王。先王所以同四海於一堂之上。於此得其要矣。

案 小行人使適四方。無國不到。所以實察諸侯之治狀。

也。首協九儀。賓客之禮。行人出王畿。即當達所經道路之節。故達六節。次之。禮以朝享為重。故成六瑞。合六幣。次之。凡行人過賓之國。有吉凶事故。必加禮焉。以示王與天下同其憂樂。故令賻補。以下五事。次之。王巡守。將施加地。進律。及削。紕。流。討。諸大政。故以萬民之利害。以下五書。終焉。王雖巡守。未能徧至。羣侯之國。故使小行人。每國別異之。以反命於王。以周知天下之故。聖人制法。凡事必既其實。而不徒以其名。所以能知周萬物而

道濟天下也。



與天不同其憂樂若命輒蘇以不正事之之王巡幸終
次之凡許入區資之國有吉凶事姑必賦斷語以示王
之禮姑盡六禮之斷以陳享為重姑為六禮合六帶
也首謝以謝賓客之斷許入出王婚聘當盡其禮宜也

